



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Congregatio præparationis co[n]cilij.

urn:nbn:de:hbz:466:1-10502

Epistola ad Vicarios foraneos pro oratione sine intermissione.

Carolus &c. Reuerende Vicari. Orationem sine intermissione, vt felicem & salutarem exitum sextæ prouincialis Synodi, quam mox habebimus, à Deo impetremus, in vniuersa Diocesi hoc tempore instituiamus. Hæc verò inchoabitur Nonis Maij, & Nonis pariter Iunij proximè sequentis terminabitur. Pro distributione temporis de eo facta isti Vicariati, vt inferius adnotatum esse obueniet.

Quamobrem his statim acceptis literis totum negotium parochis tui Vicariatus, & per eos vniuerso populo significabis, vt ardetius & studiosius ad sanctum orationis exercitium se ipsos preparant & inflamment, frequentiusque in Ecclesiis conueniant. Horas autem orationis in parochias ampliores, vbi maior hominum multitudo conuenit, distribuens efficiesque omnino, vt sancta hæc oratio continua sit: orandi verò modus & ratio adhibeatur quæ à nobis aliàs tradita fuit. Illud tamen præcipue animaduertendum est, ne oratio de Spiritu sancto, & item pro peccatis, & sancti patroni, absolutis litanis, & psalmo quinquagesimo, Misere mei Deus &c. cum stans precibus omittatur. De distributione autem, quam istic facies, postea nos quamprimum certiores reddas. Vale in Domino. Mediolani Calendis Maij 1582. Subscrip. M. Antonius Bellinus Cancell.

Tum etiam eandem orationem sine intermissione in vrbe à regularibus viris, & mulieribus celebrandam esse statuit, scriptis literis ad vniuersos prelatos Monasteriorum, videlicet.

Epistola ad viros Regulares.

Carolus Cardinalis Archiepiscopus. Reuerendo Padre, habbiamo ordinato vna oratione senza intermissione per il buon successo del nostro Concilio prouinciale sesto, che già si auicina; il quale cominciarà dimani à hore 14. & durerà sino alli 5. del seguente mese di Giugno, secondo il compartito sopra di ciò fatto à cotesto suo Monastero tocca-

rà l' hora quì di sotto notata, la quale ripigliarete ogni tre di vna volta, sin che durerà il detto spatio di tempo. Però sarà contenta di fare, che si celebri in Chiesa collegialmente con ogni maggior diuotione e purità di cuore questa santa oratione, accioche in questi publici bisogni spirituali il Signor si degni della sua misericordia con noi. Aggiungendo anco per questo nella Messa in specie la colletta per il Sinodo. Con che vi benediciamo. Dall' Arcivescuato li 4. di Maggio 1582. Subscripta. M. Antonius Bellinus Cancell.

Supputatione facta pro ratione & numero Monasteriorum, singulis certum spatium temporis in calce huius schedulæ assignatum fuit.

Congregatio preparationis Concilij.

De septimo Maij, cum iam iam immineret dies conciliares, Illustriss. & Reuerendiss. D. Cardinalis Archiepiscopus habuit Congregationem de preparatione Concilij, in qua interfuerunt multum Reuerendi DD. Audoenus Ludouicus V. G. Antonius Seneca Decanus Metropolitanæ, Io. Stephanus Beluifus Protonotarius Apostolicus Canonicus Vercellensis, Petrus Galefinus Protonotarius Apostolicus, Bernardinus Tarusius I. V. D. ex Visitatoribus diocesis, Io. Paulus Clericus Magister caeremoniarum & Cancell. Archiepiscopalis: & infra scripta decreuit Illustriss. Dominus. Primò deputauit iudices excusationum. Item Iudices querelarum & controuersiarum.

Promotores Concilij, vt infra.

Vicarii & procuratores Episcoporum ex gratia erunt admittendi, vt possint interesse tractatibus.

Cursores & nuncii huius sacræ Synodi pro intimationibus affixionibus & huiusmodi actibus deputantur oēs ostiarij Metropolitanæ, ac eorum Præfectus.

Reuerendiss. Episcopi quando venerint ad publicas Congregationes, à duobus ex Reuerendis Canonicis Ordinariis subdiaconis associantur.

Officiales Concilij in prima publica Congregatione promulgentur.

Fama-

Familia & Hospitia singulorum Reuerendissimorum Episcoporum distinctè & nominatim describantur.

Hoc ipso die fuit nominatus clerus vniuersus tam regularibus quàm secularibus pro solenni processione sub initium Concilii peragenda, & pro solenni pulsatione campanarum pridie diei synodalis sub vesperum; & clerus sæcularis in ædes Archiepiscopales fuit iussu cum solenni habitu conuenire, vt Illustrissimum Metropolitanum ad Ecclesiam Metropolitanam solenniter pluuiali & mitra indutum accedentem cum Reuerendissimis Episcopis comitaretur.

Die 9. Maij pridie diei Concilii affixæ præ foribus aulae Congregationum Conciliarium, ac foribus palatii, ac basilicæ Metropolitanæ tres Tabellæ indictionis publicæ cōgregationis in hæc verba conscriptæ.

Hodie hora 21. erit Congregatio publica Reuerendissimum Patrum D. D. Episcoporum prouinciæ, pro Concilio prouinciali sexto, cui intersint procuratores Reuerendissimorum Episcoporum absentium, procuratores item Capitulum Cathedralium, Testes synodales item conueniant. Omnes ecclesiastici qui intererunt, adsint habitu ecclesiastico induti. Omnes item quicumque sint, vel clerici, vel laici, qui audiri velint, conueniant. Ex Cancellarie Archiepiscopali die 9. Maii 1582. Subscripta. M. Antonius Bellinus Cancell.

Item locis prædictis indictio inchoationis Concilii in hæc verba literis grandiusculis exarata, ac tabulis ligneis minio decenter ornatis, & impositis suffulta & affixa.

Die crastino hora 10. adiuuante diuina gratia inchoabitur Concilium prouinciale sextum. Ex Cancellaria Archiepiscopali, die 9. Maii 1582. Subscripta. M. Antonius Bellinus Cancell.

Congregatio priuata.

Illustris. & Reuerendis. D. D. Cardinalis Archiepiscopus, antequàm congregatio publica vt supra indicta haberetur, priuatam congregationem conuocauit: cui interfuerunt Reuerendissi-

mi D. D. Episcopi, Dertonensis, Bergamensis, Brixienfis, Astensis, Alexandrinensis, Albensis, & Intimillienfis. & facto initio à stata oratione per Illustris. D. D. Metropolitanum recitata, de ordine in congregationibus publicis seruando actum est; & ille decretus est, qui mox in prima publica congregatione describetur.

Tum Illustrissimus Metropolitanus de preparatione Concilii per modum scrutini à singulis Reuerendis. Episcopis sciscitatus est, ac præsertim super executione eorum, quæ hoc de genere Concil. prouinc. quarto descripta sunt.

Postea comparuerunt Reuer. Promotores ab Illustris. D. Metropolitanò delecti, & in hanc sententiam Illustris. D. Metropolitanus & Reuerendis. Dominos Comprouinciales in hac priuata congregatione confidetes allocuti sunt.

Illustrissime & Reuerendis. in Christo Pater & Domine D. Metropolitanæ, Patresque Reuerendis. Quoniam iam iam dies instat Concilii prouincialis Mediolanensis sexti, ob eamque causam huc conuenistis, vt pro ordinis uestri dignitate, munerisque ratione, omnia operante Domino ritè rectèque agantur; Nos Antonius Seneca Decanus huius Ecclesiæ Metropolitanæ, & Io. Stephanus Beluisius, Pronotarius Apostolicus Ecclesiæ Vercellen. Canonicus Primicerius, I. V. Doctores, & huius Concilii sexti promotores, ab Illustris. dominatione, Reuerendissimaque Paternitate tua, auctoritate Metropolitana constituti, Reuerendissimas D. V. requirimus, & instamus, vt si quid pro huius Concilii sexti sancto initio felicique apertione agendum est, id (quæ est vestra omnium caritas, & prudentia) agere, & deliberare dignemini: & si quid præterea est, quod à nobis fieri aut geri censueritis, rogamus id nobis significari: Nos verò interea Deum omnipotentem assidue precabimur, vt in cordibus vestris gratiam Spiritus sancti infundat.

Congregatio publica prima.

Hora vigesima prima diei noni habita est prima congregatio publi-